

Кеден одағына қатысушы мемлекеттердің аумақтары арқылы транзиттің бірыңғай шарттары туралы келісімді бекіту туралы

Қазақстан Республикасының 1998 жылғы 11 желтоқсандағы N 313-І Заңы.

Р Қ А О - н ы ң е с к е р т п е с і !

Келісім қолданысын тоқтатты - ҚР 24.12.2014 N 266-V Заңымен.

Мәскеуде 1998 жылғы 22 қаңтарда қол қойылған Кеден одағына қатысушы мемлекеттердің аумақтары арқылы транзиттің бірыңғай шарттары туралы келісім бекітілсін.

Қазақстан Республикасының

Президенті

Кеден одағына қатысушы мемлекеттердің аумақтары арқылы транзиттің бірыңғай шарттары туралы Келісім

Беларусь Республикасының Үкіметі, Қазақстан Республикасының Үкіметі, Қырғыз Республикасының Үкіметі және Ресей Федерациясының Үкіметі, бұдан әрі Тараптар деп аталатын,

Тәуелсіз Мемлекеттер Достастығына қатысушы мемлекеттердің 1995 жылғы 10 ақпандағы Кедендік заңдары негіздерін назарға ала отырып,

өздерінің транзит еркіндігі қағидаларын ұстанатындығын растай отырып,

барлық көлік түрлерімен халықаралық тасымалдарды, осы Келісімге қатысушы әрбір мемлекеттің ұлттық мүдделеріне залалсыз, кедендік рәсімдерді үйлесімді қылу және бірдейлендіру жолымен жеңілдетудің қажеттігін мойындап,

тасымалдар жағдайының жақсаруы ынтымақтастықты дамытудың маңызды факторларының бірі болып табылады деп есептей отырып,

1995 жылғы Кеден одағы туралы келісімдерде бекітілген қағидаларды растай отырып,

төмендегі жөнінде келісті:

1-бап

Осы Келісімде Тәуелсіз Мемлекеттер Достастығына қатысушы мемлекеттердің 1995 жылғы 10 ақпандағы Кедендік заңдары негіздеріне сәйкес анықталатын атаулар пайдаланылады.

2-бап

Осы Келісімге қатысушы мемлекеттердің аумағы арқылы өткізілетін тауарлар:

- табиғи тозу не болмаса тасымалдау мен сақтаудың қалыпты жағдайларында кему салдарынан басқада, бір күйде қалуы;

- транзиттен басқа ешқандай мақсаттарға пайдаланылмауы;

- жеткізілетін кеден органына көлік құралының мүмкіншіліктерінен, белгіленген маршруттан және тасымалдың басқа жағдайларынан шыға отырып, жіберетін кеден органымен белгіленген, бірақ бір айда екі мың шақырым есеппен анықталатын шекті мерзімнен аспайтын, мерзімдерде жеткізілуі тиіс.

3-бап

Тауарлар, сондай-ақ осы Бапта көрсетілген тауарларды (бұдан әрі - транзиттік тауарлар) тасымалдайтын көлік құралдары:

үшінші мемлекеттерден осы Келісімге қатысушы екінші мемлекеттің тіпті болмағанда бірінің аумағы арқылы осы Келісімге қатысушы кез келген мемлекеттің аумағына;

осы Келісімге қатысушы кез келген мемлекеттің аумағынан осы Келісімге қатысушы екінші мемлекеттің тіпті болмағанда бірінің аумағы арқылы үшінші мемлекеттерге;

осы Келісімге қатысушы бір мемлекеттен осы Келісімге қатысушы өзге мемлекеттің тіпті болмағанда бірінің аумағы арқылы осы Келісімге қатысушы екінші мемлекетке;

ауысуы кезінде осы Келісімге қатысушы болып табылатын транзит мемлекеттерінде кеден баждарын, салықтарды және кедендік ресімдеу үшін алымдарды төлеуден, сондай-ақ тауарларға экономикалық саясат шараларын қолданудан босатылады.

4-бап

Тараптардың Кеден органдары осы Келісімге қатысушы мемлекеттің тіпті болмағанда бірінің аумағы арқылы осы Келісімге қатыспайтын мемлекеттер арасында орын ауыстыратын транзиттік тауарларға ұлттық заңдарды сақтауды қамтамасыз ету шараларын қолдануға құқықты.

5-бап

Осы Келісімнің 1 қосымшасында көрсетілген тауарларды кез келген Тараптың аумағы арқылы өткізуге тыйым салынады.

Осы Келісімнің 2 қосымшасында көрсетілген тауарлар, тасымалдау маршруты өтетін осы Келісімге қатысушы барлық мемлекеттердің уәкілетті органдарымен берілген транзитке рұқсаттары бар шартымен, осы Келісімге қатысушы кез келген мемлекеттің аумағы арқылы транзитке жіберіледі.

Тараптардың Кеден органдары тауарлар олардың мемлекеттерінің аумағы арқылы транзиті кезінде ұлттық кеден заңдарын қамтамасыз ету шараларын қолдануға құқықты

6-бап

Транзитті қамтамасыз етуге қажетті құралдар мен қызмет көрсетулер тасымалдаушыларға транзит мемлекеттерінде өздерінің экспортшыларына, импортшыларына немесе тасымалдаушыларына ұсынылатын құралдар мен қызмет көрсетулерден кем емес жағдайларда ұсынылады.

7-бап

Транзиттік тауарлар мен оларды тасымалдайтын көлік құралдарының Кеден одағына қатысушы мемлекеттер шекараларынан өтуі, осы Келісімге қатысушы мемлекеттердің көлік саласындағы құзырлы органдарымен келісіліп, осы мемлекеттердің кеден органдарымен анықталатын орындарда рұқсат етіледі.

Тараптар кеден органдарына осы Келісімге қол қойылған уақыттан бастап үш айлық мерзімде транзиттік тауарлар мен оларды тасымалдайтын көлік құралдарының Кеден одағына қатысушы мемлекеттер шекараларынан белгіленген өту орындарының тізбесімен алмасуды тапсырады.

Осы Келісімге қатысушы кез келген мемлекеттің аумағымен тауарлардың транзиті, егер өзгесі осы мемлекеттің ұлттық заңдарымен белгіленбесе, кез келген маршруттармен және бағыттармен жүзеге асырылуы мүмкін.

8-бап

Транзиттік тауарларды басқа көлік құралдарына қайта тиеу, соның ішінде партияларды бөлшектеумен, осы Келісімге қатысушы мемлекеттердің кеден органдарымен әр жағдайда анықталатын орындарда жүргізіледі.

Осы Келісімге қатысушы мемлекеттердің кеден органдары транзиттік тауарларды ажыратып білу құралдарын, сондай-ақ транзиттік тауарлар мен көлік құралдарын бақылауға қажетті құжаттарды өзара мойындайды. Тараптар өз мемлекеттерінің кеден органдарына үш айлық мерзімде транзиттік тауарларды ажыратып білу құралдарының, сондай-ақ транзиттік тауарлар мен көлік құралдарын бақылауға қажетті құжаттар үлгілерімен алмасуды тапсырады.

9-бап

Жойқын күш жағдайының болу себебінен транзиттің тоқтатылуы жағдайларында транзит тоқтатылған осы Келісімге қатысушы мемлекеттің ұлттық заңдарының нормаларымен белгіленген тәртіп қолданылады.

10-бап

Тараптар өздерінің орталық кеден органдарына осы Келісімге қол қойғаннан кейін үш айдың ішінде төменде аталған төртжақтық құжаттарды әзірлеуді және қабылдауды тапсырады:

Кеден одағына қатысушы мемлекеттердің аумақтары арқылы кедендік бақылаумен тасымалданатын тауарларды кедендік ресімдеу тәртібі туралы ереже;

Кеден одағының кедендік тасымалдаушылары туралы ереже;

Кеден одағына қатысушы мемлекеттердің аумағында кедендік ілеспе туралы ереже.

Осы Баппен қарастырылған жұмыстарды үйлестіру Бірігу Комитетіне жүктеледі.

11-бап

Тараптар өзара келісіп осы Келісімге толықтырулар мен өзгертулер енгізуі мүмкін, олар осы Келісімнің ажырамас бөлігі болып табылатын хаттамалар мен қосымшалар түрінде ресімделетін болады.

12-бап

Осы Келісімді түсіндіру және қолдану кезіндегі дау-дамайлар мен келіспеушіліктер Тараптар арасында келіссөздер жүргізу және кеңесулер жолымен, қажет етсе, оларды Бірігу Комитетінде, ал келісімді шешімге қол жетпесе, Мемлекетаралық Кеңестің жанындағы Үкімет басшыларының кеңесінде қараумен, шешілетін болады. Барлық Тараптарға Үкімет басшылары кеңесінің шешімі қолдану үшін түпкілікті және міндетті болады.

13-бап

Осы Келісім Кеден одағы туралы келісімге қосылған, қосылуы кезіндегі осы Келісімнің пәрменді қағидаларын мойындайтын және оларды толық көлемде орындауға әзірлігін білдіретін кез келген мемлекетке оған қосылуы үшін ашық.

14-бап

Осы Келісім қол қойған күннен бастап уақытша қолданылады және Тараптар барлық қажетті мемлекетішілік рәсімдерді орындауы туралы соңғы мәлімдемені депозитарийге сақтауға тапсырған күннен бастап күшіне енеді.

15-бап

Кез келген Тараптың, осы Келісімге сәйкес қабылдаған өз міндеттемелерін алдын ала реттеп, шығуына дейін кемінде он екі ай бұрын өзінің ниеті туралы жазбаша мәлімдемені депозитарийге жолдап, осы Келісімнен шығуға құқығы бар.

1998 жылғы 22 қаңтарда Мәскеу қаласында орыс тілінде бір түпнұсқалық данада жасалды.

Түпнұсқалық дана осы Келісімге қатысушы әрбір мемлекетке оның сендірілген көшірмесін жолдайтын Бірігу Комитетінде сақталады.

Беларусь

Қазақстан Қырғыз Ресей

Республикасының Республикасының Республикасының
Федерациясының

Үкіметі үшін

Үкіметі үшін Үкіметі үшін Үкіметі
үшін